


經律異相

才三十二

四百四十三
倍二

5118 ✓



經律異相卷第三十二

傍

梁沙門僧旻寶唱撰

行菩薩道下諸國太子部中

能施求珠兩寶施閻浮人一
善友好施求珠喪眼還明二
長生欲報父怨後還得國三

遮羅國儲形醜失妃運智還得四

慕魄不言被埋後言得修道五

薩埵王子捨身六 人藥王子救疾七

有一王子聞宿命事怖求以還佛八

無畏王孫耆婆學術九

能施求珠兩寶施閻浮人一



有大醫王療一切病不求名利爲憐愍故病者甚多力不周瞻憂念一切而不從心懊惱而死即生忉利天上自思惟言我今生天但食福報無所長益即自方便自取滅身捨此天壽生娑迦陀龍王宮中爲龍太子其身長大父母愛重欲自取死就金翅鳥王鳥即取此龍子於舍摩利樹上吞之父母嗥吽啼哭懊惱龍子旣死生閻浮提爲大國王太子名曰能施生而能言問諸左右今此國中有何等物盡皆持來以用布施衆人恠畏皆捨之走其母憐愛獨自守之語其母言我非羅刹衆人何以故走我本宿命常好布施我爲一

切人之檀越。母聞其言，以語衆人。衆人即還母好養育。及年長大，自身所有盡以施盡。至父王所索物，布施父與其分，復以施盡。見閻浮提人貧窮辛苦，思欲給施，而財物不足，便自啼泣，問諸人言：作何方便當令一切滿足？於財諸宿人言：我等曾聞有如意寶珠，若得此珠，則能隨心所索，無不必得。白其父母，欲入大海求龍王頭上如意寶珠。父母報言：我唯有汝一兒耳。若入大海，衆險難度。一旦失汝，我用活爲我。今藏中猶亦有物，當以給汝。見言藏中有限，我意無極，欲充滿一切。今無短乏，願見聽許，得遂本心，使閻浮提人一切

充足父母知其志太不敢制之遂放今去是
時五百賈客皆樂隨從知其行日集海道口
太子問衆人言誰能知道至彼龍宮有一盲
人名曰施舍巴曾七反入大海中具知海道
菩薩即命共行答曰我年既老兩目失明雖
曾數入今不能去菩薩言我今此行不爲自
身普爲一切求如意寶珠欲給足衆生今身
無乏次以道法因緣而教化之汝是智人何
得辭耶我願得成豈非汝力施舍同懷答言
我今入海命必不全安我屍骸著金沙洲上
船去如馳到衆寶渚衆賈競載寶物已足問
太子言何以不取報言我所求者如意寶珠

此有盡物我不須也汝等各當知足知量無
今船重不自免也是時衆寶賈白菩薩言大
德爲呪願令得安隱於是辭去陁舍是時語
菩薩言別留艇舟當隨別道待風七日博海
南岸至一險處當有絕崖棗林枝皆覆水大
風吹船船當摧破汝當仰攀棗枝可以自濟
我身無目於此當死過此險岸當有金沙洲
可以我身置此沙中金沙清淨是我願也即
如其言風至而去旣到絕岸如陁舍語菩薩
仰攀棗枝得以自免置陁舍屍安厝金地於
是獨去如其先教深水中浮七日齋咽水中

蓮華鮮潔柔輒自思惟言此華輒脆當入虛
空三昧自輕其身行蓮華上七日見諸毒蛇
念言含毒之蟲甚可畏也即入慈心三昧行
毒蛇頭上七日蛇皆擎頭授與菩薩令踏上
而過過此難已見有七重寶城有七重壘壘
中皆滿毒蛇有二大龍守門龍見菩薩形容
端正相好嚴儀能度衆難得來至此念言此
非凡夫必是菩薩大功德人即聽令前逕得
入宮龍王夫婦喪兒未久猶故哀泣見菩薩
來龍有神通知其子兩乳流出命之令坐
而問之言汝是我子捨我命終生在何處菩
薩亦自識宿命知是父母而答母言我生閻

淨提上爲大國王太子憐愍貧人飢寒勤苦
不得自在故來至此欲求如意寶珠母言汝
父頭上有此寶珠以爲首飾難可得也必當
將汝入諸寶藏隨汝所欲必欲與汝汝當報言
其餘雜寶我不須也唯欲得大王頭上寶珠
若見憐愍願以與我如此可得即往見父父
大悲喜歡慶無量愍念其子遠涉艱難乃來
至此指示妙寶隨意與汝須者取之菩薩言
我從遠來願見大王求王頭上如意寶珠若
見憐愍當以與我若不見與不須餘物龍王
報言我唯有一珠常爲首飾閻浮提人薄福
下賤不應見也菩薩白言我以此故遠涉艱

難致死遠來爲閻浮提人薄福貧賤欲以如意寶珠濟其所願然後以佛道因緣而教化之龍王與珠而要之言今以此珠與汝汝既去世當以還我荅曰敬如王言菩薩得珠飛騰虛空如屈伸臂頃到閻浮提人王父母見見吉還歡悅踊躍抱而問言汝得何物荅言得如意寶珠問言今在何許白言在此衣角裏中父母言何其太小白言在其神德不在大也白父母言當勅城中內外掃灑燒香懸繒幡蓋持齋受戒明日清旦以長木爲表以珠著上菩薩是時自立誓願若我當成佛道度脫一切者珠當如我意願出一切寶物隨

人所須盡皆備有是時陰雲普遍雨種種寶
物衣服飲食卧具湯藥人之所須一切具足
至其命盡常亦不絕如是等名爲菩薩布施
生精進波羅蜜

出大智論
十二卷

善友好施求珠喪眼還明二

過去閻浮提一時有二王利師跋國王名月
波羅柰國王名月益同意周旋無有嫌隙嘗
共立約若生兒子兩通姻好月益王男女俱
無爲欲求見祠於水神乃至種種鬼神修羅
吒河邊有二五通神仙河神白王若二仙願
生王家者王當有兒王至仙人所說言生我
家者五欲自恣快樂無之仙人答曰可尔却

後七日其一仙人命終

賢愚經云
黑色仙人

即入第一

夫人胎復經七日其一仙人又復命終處第

二夫人胎第一夫人足滿九月乃生一男顏

色端正當生之日五百賈客從海而歸五百

伏藏無端發出五百死囚從獄解脫第二夫

人生多有怪異野干哀鳴阿修羅捉日五百應

死者自然而死

世四分律
分第九卷

三至甚歡喜即請召相

師占其吉凶今立名字相師問言此兒生時有何

瑞相荅言第一太子其母弊妬憍慢自大從懷

子來其性調善和顏悅語慈愍衆生相師荅言

兒福德使然名曰善友

四分律云善行賢愚經
云迦良那伽梁言善事

第二

夫人生者問瑞相各言其母由來調善言適

衆心懷姪已來其性卒暴發言麗惡相師荅

言是兒之行使母如是名曰惡友四分律云惡行賢愚

經云波婆梨至年十四善友太子聰明慈仁

好喜布施父母偏念視如眼目惡友暴惡父

母所憎而不喜見妬嫉於兄常欲毀害觸事

不從違逆反戾太子導從前後作倡伎樂大

衆圍遶出城觀看見有耕者墾土出蟲烏隨

啄食愍而傷之問左右言此作何物共相殘

害荅言國依於民民依飲食食依耕種太子

言苦哉苦哉前行復見男女紡織又問此作

何物荅言紡織作諸衣服以遮慙愧蔭覆五

形太子言此亦勞苦非一也轉復前行見人

屠牛剥羊又問此復是何答言屠殺賣肉以
供衣食太子言怪哉苦哉強弱相害結殃累
劫轉復前行見網鳥餌魚又問又答張鳥捕
魚太子悲淚滿目世間衆生造諸惡本衆苦
不息憂愁不悅即迴車還宮王問何故憂愁
太子具以上答王言未嘗不有何足愁也太
子言今欲從王求索一願願得國藏財寶用
施一切王言隨意太子即使傍臣開王庫藏
以五百大象負載珍寶出四城門宣令國土
隨有所欲恣意自取善友太子聲聞八方一
切運集未久之間三分用一藏臣白王王宜
思量王言不欲違之後復經少時諸臣共議

國依庫藏庫藏空竭國亦虛矣復往白王所
有財寶三分用二王宜深思王言不欲違之
卿等可小稽遲莫令不稱其心也太子欲開庫
藏時守藏臣緣行不在鄭重追逐差乎不遂
太子言小人何敢違逆我意當是父王教耳
夫孝子者不應頓竭父母庫藏我今應當

求財寶給足衆生我若不能給足一切衆生
衣被飲食稱意與者云何名爲大王太子即
集諸臣百官共議言夫求財利何業最勝或
言田種或言畜養有一大臣言世間求利莫
先入海採取妙寶若得摩尼寶珠者便能稱
意給足一切衆生太子言然即以白王王聞

咽不得語後語太子國是汝有庫藏珍寶隨
意取用何爲入海汝爲吾子生長深宮卧則
幃帳食則恣口今者遠涉塗路飢渴寒暑誰
得知者大海之中衆難非一或有惡鬼毒龍
猛風波浪水色之山摩竭大魚往者千万達
者一兩汝今云何欲入大海太子即便五體
投地四布手足而作是言父母若不聽者我
便捨命終不復起王及夫人即前勸諫終不
飲食到於六日父母憂恐畏其不濟七日捉
手善言誘喻太子言父母若不許者必沒於
此第一夫人白王言如子心意難可傾動不
可違戾何忍見子捨命於此願王垂慈聽入

大海故万有一冀今不聽者必喪於此王便
聽許太子歡喜頭面禮王大王宣令誰欲入
海衆人聞之歡喜聚集具五百人皆言大王
我等今者隨從太子有一海師前後數反入
於大海善知道路通塞之相而年八十兩目
矇盲王白導師吾唯一子未曾出門勞屈大
師隨入大海願見隨從導師即哭曰大海留
難辛苦非一往者千万達者一兩大王去何
能令太子遠涉險道王報導師爲憐愍故隨
從聽許導師言不敢違逆太子莊嚴五百人
行具載至海邊惡友念言善友爲父母偏心
愛念今入大海採取妙寶若得還者父母當

遺棄我白父母言欲隨善友入海採寶父母
答言隨意道路急難之時兄弟相隨必相救
護及至大海以七鐵鎖鎖其船舫停住七日
日初出時太子擊鼓唱令汝等諸人誰欲入
海入者默然若戀親愛可還去矣大海之中
留難非一大衆默然即斷一鎖舉著船上日
日唱令至第七日即斷七鎖望風舉帆太子
慈心福德力故無諸留難得至海洲至珍寶
山太子擊鼓宣令道路懸遠速載珍寶極停
七日復作是言此寶甚重閻浮提中亦無所
直莫大重載船舫沉沒不達所在莫過少取
道路懸遠不足補勞裝束已訖與諸人別而

作是言汝等誰是善安隱歸吾方欲前進採
摩尼寶太子與盲導師更次前進路行一七
日水齊到膝復更前行一七日水齊到頸又
復前進一七日浮而得渡即到寶處導師問
言此何物地耶太子荅言其地純是白銀沙
導師言四望應當有白山汝見之未太子言
東南方有一白銀山至此山下導師言次應
到金沙導師疲乏悶絕躡地語太子言我命
不久必喪於此太子於是東行一七當有金
山從山復更前進一七純是青蓮華復前行
一七其地純是紅赤蓮華復過一七有大寶
城純以七寶裝校龍王所止龍王耳中有一

摩尼如意寶珠汝往從乞若得珠者能滿閻
浮提兩衆七寶衣被飲食醫藥聲伎隨意能
出名如意珠導師語已氣絕命終太子抱持
舉聲悲哭一何薄命生失於汝即埋著地中
金沙覆上右遶七匝頂禮而去前過金山見青
蓮華下有青虵此虵有三種毒所謂齒毒觸毒
氣噓毒此諸毒虵以身遶蓮華張目喘息而
視太子太子即入慈心三昧起進前路躡蓮
華葉時諸毒虵不毀不傷至龍王住處七重
城塹滿中毒龍共相蟠結舉頭交頸守護城
門太子到城門外見諸毒龍即入慈心念閻浮
提一切衆生今我身若爲此毒龍所害者汝

等衆生皆失大利即舉右手告毒龍曰汝等當知我今爲一切衆生欲見龍王毒龍開路令太子入見二玉女紡頗梨縷太子問曰汝是何人荅言我是龍王守外門婢入到中門下見四玉女紡白銀縷太子復問汝是龍王婦耶荅言非也是龍王守中門婢耳太子入至內門見八玉女紡黃金縷太子語言汝是何人荅言我是龍王守門婢耳太子言汝爲我通大海龍王云閻浮提波羅柰國王太子善友故來相見今在門下時守門者即以白王王大疑怪若非福德純善之人無由遠涉險路即請入宮王出奉迎紺琉璃爲地七寶

有種種光明耀動人目太子說法示教利喜
讚說施論戒論人天之論龍王心喜遠屈塗
涉欲湏何物太子言大王閻浮提一切衆生
爲衣服飲食受無窮之苦今欲從王乞左耳
中摩尼寶珠龍王言受我微供七日當以奉
給太子受龍王請過七日持珠還閻浮提賢

經言到七寶城城門堅閉見金剛杵在其門
邊如師戒語取杵撞門開有五女各
持寶珠來奉太子最前一龍王使諸龍神飛
女珠琉璃色受繫衣角

空送之得到此岸見弟惡友問言汝徒黨伴
侶今何所在荅言船舫沉沒一切死盡唯弟
一身牽持死尸而得全濟一切財物今皆已
盡善友言天下大寶莫先已身弟言不尔人

願富死不願貧生何以知然弟曾至塚間聞諸
死鬼作如是論善友真直以實語弟汝雖失
寶亦是閑耳吾今已得龍王如意寶珠弟言
今在何處善友言今在髻中弟聞生嫉白善
友言快哉甚善得此寶珠宜加守護善友解
珠與弟而誠勸言汝若疲卧我當守護我若
眠時汝應守護時惡友次應守珠其兄眠熟
起取二乾竹刺刺兄兩目四分律云以佉羅陀樹刺奪珠而去
善友喚惡友此有賊刺我兩目持寶珠去惡
友不應兄便懊惱恐為賊殺如是高唱聲動
神祇經久不應樹神發聲言汝弟惡友是汝
惡賊刺汝兩目持寶珠去太子悵然憂恚苦

惱惡友賣珠還國白父母言我身福德而得
全濟善友與伴沒水死盡父母嗥哭悶絕躡
地語惡友言汝去何乃能持是面來惡友聞
是語已心生懊惱即以寶珠埋著土中善友
被刺無人爲拔徘徊宛轉靡知所趣當時苦
惱大患飢渴求生不得求死不得漸漸前行
到利師跋國其王有女先許與波羅柰王子
善友有一牧人爲王放五百牛隨逐水草太
子坐在道中牛羣垂逼牛王騎太子上令諸
牛過然後移足右旋宛轉反顧迴頸吐舌舐
太子兩目拔出竹刺牧人見之問言汝是何
人善友不陳本末荅言我是盲乞兒耳牧人

遍察有異人相語言我家在近當供養汝即
將還家與種種飲食誠勅家人汝等侍之如
我不異經月餘日其家馱患善友悵然明旦
白主人言我今欲去主人曰有何不適善友
曰客主之儀勢不得久善友言若念我者乞
我一鳴箏送我著多人聚落時即隨意
供給送到利師跋城多人衆處善友彈箏其
音和雅悅可衆心一切大衆共給飲食王有
一果園其園茂盛常患鳥雀時守園監語善友
言爲我防護鳥雀我相供給我以繩結諸樹
頭安施銅鈴汝坐樹下聞鳥雀聲牽挽繩頭
善友言如是我能安處樹下兼復彈箏以自

娛樂時利師跋王女侍從入園見此盲人即
往其所問言汝是何人荅言盲乞人耳王女
心生愛念不能捨離王復遣使往喚女歸女
言不去爲我送食供此盲人飲食訖竟白大
王言王今持我與此盲人甚適我願王言鬼
魅著汝顛狂心亂去何欲與盲人共居父母先
以汝許與波羅柰王太子善友善友入海未
還汝今去何爲乞人婦女言雖尔乃至捨命
終不捨離王聞是語不能拒逆即遣使迎盲
人來閉著靜室王女語盲人去我今共汝以
作夫婦善友報言汝是誰家女欲爲我婦荅
言我是利師跋王女善友善友報言汝是王女我

是乞人云何能相恭敬婦言我當盡心供奉
後婦出行不白其夫良久乃還善友責數汝
私出外而不白我何處行還婦言我不私行
誓言私與不私誰當知汝婦自呪誓我若私
行令汝兩目始終不差若不尔者使汝一目平
復如故作是願已平滿如故晴光清徹婦言
汝信我不善友含笑婦言汝不識恩養我是
大國王女汝是小人而我盡心供事於汝而
不體信誓言汝識我不答言我識汝是乞人
誓言非也我是波羅柰王善友太子婦言汝
大愚癡人去何乃發是言波羅柰王太子入
海未還汝今妄言耳吾不信也善友言我從

生來未曾妄語婦言虛之與實誰當信之誓
言我若欺誑汝者使我一目永不得愈若實
語者使我一目平復如故令汝得見即如所
誓睛光耀動如本不異善友太子兩目平復
面首端正妙色超絕婦見歡喜如蒙賢聖遍
體瞻視目不暫捨即入宮中白父王言今我
夫者即是善友太子王言癡人善友未還去
何名乞人爲太子也女言不也若不信者可
一視之王即往看識是善友即懷恐怖而作
是言波羅柰王若聞此事嫌我不少即前懺謝
善友太子我實不知太子言無苦爲我餉致
給與此牧牛人王即以金銀珍寶衣被飲食

并與所放五百頭牛其人歡喜稱善無量而
我未有幾恩報我如是高聲唱言夫陰施陽
報弘廣無量大衆聞者皆發施心善友未入
海時養一白鴈衣被飲食行住坐卧而常共
俱夫人報此鴈言太子在時常共汝俱今生
死未分汝不感念太子鴈即悲鳴宛轉啼淚
報言欲覓太子夫人手自作書以結鴈頸身
昇虛空飛翔而去飛至大海求覓不見次第
往到利師跋國遙見善友在宮殿前其鴈往趣
悲鳴歡喜太子即取母書頭頂禮敬發封披
讀即知父母晝夜悲哭追念太子兩目失明
太子手書以具上事結鴈頸還波羅柰父母

得書歡喜踊躍稱善無量具知太子為惡友
所苦奪取寶珠父母相械惡友閉著牢獄遣
便往告利師跋王汝今去何擁遮太子令我
憂苦利師跋王心生恐怖即嚴服太子送著
界上遣使往白以女妻之遣送還國父母乘
大名象作倡妓樂掃灑燒香懸繒幡蓋遠迎

太子國土人民男女夫婦聞太子還皆出奉
迎太子前禮父母父母目冥不見太子以手
捫摸汝是善友非我等念汝憂苦如是太子
問訊父母起居訖竟太子白父王言惡友何
在王言今在牢獄太子言願放惡友得與相
見如是至三王不忍拒便勅出之即前抱持

善言誘喻輒語問訊汝極勞苦持我寶珠今
在何處如是至三而方報言在彼土中太子
還得寶珠往父母前跪燒衆妙香即呪誓言
此珠是如意寶者今父母兩目明淨如故尋
時平復見子歡喜太子於月十五日朝淨自
澡浴著鮮潔衣燒妙寶香於高樓上手捉香
爐頭面頂禮摩尼寶珠立誓願言我爲閻浮
提一切衆生忍此大苦求是寶珠時東方有
大風起吹去雲霧皦然明淨并閻浮提所有
糞穢大小便利灰土草莽清風吹蕩悉令清
淨以珠威德於閻浮提徧雨成熟自然粳米
香甘軟細色味具足溝渠盈滿積至于膝次

雨衣服珠環釵釧坎雨七寶衆妙伎樂衆生
所須皆悉充足後月益王崩即嗣立焉惡友
啓曰我乞食自活王言汝守護我頭我與汝
食王復睡眠拔刀欲斬王首而其首自墮王
覺問之荅曰天造其業時父者今悅頭檀是
時母者冷摩耶夫人是惡友者提婆達多是
月王女者瞿夷是善友者我是也

又出賢愚經
大同小異也

出佛報恩
經第三卷

長生欲報父怨後還得國三

昔有菩薩爲大國王名曰長壽王有太子名
曰長生王治以正刀杖之苦不加吏民風雨
以時五穀豐饒有隣國王立行暴害不修正

治國民貧困謂傍臣曰聞長壽王多饒豐樂
無兵革之備我欲奪取臣曰大善興兵攻伐
長壽王告羣臣曰彼貪我財若與交戰必傷
我人民夫爭國殺民吾不忍也羣臣不從發
兵出界迎而拒之王與太子踰城幽隱貪王
入國募求長壽賞金千斤錢千萬後王出道
邊樹下遇婆羅門問何處來荅曰我貧道士
聞長壽王好施遠來告乞王默念值我失國
垂淚曰我即是王也遇我如此無可相副兩
人啼泣王曰我聞新王求我甚重卿持我頭
詣之必獲厚賞婆羅門曰我之薄福不敢承
命王曰卿故遠來遇我困乏人生會有死願

以相惠何爲辭讓荅曰何忍相殺必欲惠施者願相隨還國於是同反臨至城門王令其縛白貪王即賞金錢遣令還去於四街道路欲燒殺長壽郭邑草野莫不呼天太子聞之出當父前心中悲痛父恐子報怨讎乃仰天歎息曰此死我之所樂也欲爲至孝使汝父死不恨勿報怨也長生不忍見父死還入山中王旣死後長生念言我父仁義深篤至死不能轉貪王無狀不別善惡枉殺我父我不能忍若不殺之終不苟生乃出傭賃大臣借其種菜菜好大臣問園監監荅借得一人甚之勤能也大臣呼長生問言卿能作飲食不荅曰

能後乃請王飲食甘美王問誰作荅曰作人
王即呼還宮使作飲食王後問曰汝能習兵
法不對曰最便王使侍左右告之曰我有怨
豕恒恐相值今相恃怙相助備之對曰唯當
為大王展力効命後日王問寧好獵不對曰
臣少好獵王便勅外嚴駕因與長生共出遊
獵適入山林便見走獸王與長生馳而逐之
轉入深山失道三日遂至飢困王因下馬解
劍以授長生曰我甚疲極汝坐我欲枕汝膝
卧長生拔劍欲殺貪王思其父勅內劍而止
如是三過王便驚寤問長生曰我夢見長壽
王子欲來見害長生曰是中強鬼來相恐耳

最後去原赦長生曰我即是長壽王太子故
來欲殺大王我父臨死苦囑莫報王怨我思
父教投劍於地以從父勅雖尔猶恐後日迷惑
失計願大王便殺我身王乃自悔曰我爲凶
逆不別善惡賢者子父行仁淳固至死不轉
而我貪酷初不覺知今日命屬子手子故懷
仁唯憶父言能不相害誠感厚恩今欲還國
當從何道長生言我知道徑前故迷王欲報
父怨耳遂俱出林便見部曲王還本國以此
國還太子共結兄弟誓不侵奪更相負遺共
濟急難長壽王者我身是太子者阿難是貪
王者調達是

出長壽
王經

遮羅國儲形醜失妃運智還得四

昔遮羅國王嫡后無嗣王甚悼焉命曰尔歸
女宗以求有嗣之術后泣許退誓命自捐投
墮山殂遂之林藪帝釋感曰斯王后者故世
吾姊也今以無嗣捐軀山險愴然愍之忽尔
降焉以器盛果授之曰姊尔吞斯果必有聖
嗣將爲世雄若王有疑以器示之斯天王神器
明證之上者后仰天吞果忽然不覩即覺身
重還覩王具以誠聞月滿生男厥狀阉陋世
間希有年在齟齬聰明博暢智策無儔力能
躡象走獲飛鷹舒聲震響若師子吼名流遐
邇八方咨嗟王爲納隣國之女厥名月光端

正妍雅世好備足次有七弟又亦姝好后懼
月光惡太子狀訛曰吾國舊儀室家無白日
相見視之重者也妃無失儀矣對曰敬諾不
敢替尊教自斯之後太子出入未常別色深
唯本國與七國爲敵力諍無寧兆民呼嗟吾
將權而安之心自唯曰吾體至陋妃覩必邁
啓母欲一覩妃儀容后曰尔狀醜妃容華豔
太子重辭后愍之將妃觀馬太子佯爲牧人
妃覩之曰牧人醜乎后曰斯先王牧夫矣後
將觀象妃又覩焉疑之曰吾之所由輒覩斯
人將是太子乎妃曰願見太子之光容后即
權之令其弟出遊以太子官僚翼從后妃觀

之厥心微喜後又入苑太子登樹以果擲背
妃曰斯是太子定矣夜伺其眠默以火照覩
其姿狀懼而奔歸后忿曰焉使妃還乎對曰
妃邁天下太平之基民終寧其親矣拜辭尋
之至妃國佯爲陶家賃作瓦器又入城賃染
又爲大臣賃養馬肥又爲太官監典諸餽饈
以羹入內王有八女並欣其事月光不眴帝
釋歎曰菩薩憂濟衆生乃至于此茲吾將權而
助之挑七敵國化爲月光父王手書以月光
妻之七國興禮造國親迎俱云娉娶王女名
曰月光訟之紛紜各出手書厥怨齊聲云當
滅尔嗣其爲不貸使還書僉然詰曰以尔一

女爲七國怨齊兵盛發念尔喪國在于今矣
王聞懼曰斯禍將至乃宿行所招謂月光曰
尔爲人妃若昏明愚吉凶好醜厥由宿命孰
能禳之而不貞一盡孝尊奉薄昏還國禍至
于茲吾今當七分尔尸以謝七王耳月光泣
曰願假吾命漏刻之期募求智士必有能却
七國之患者也王即募曰孰能禳斯禍者妻
以月光育以無福太子曰疾作高觀吾能禳
之觀成太子權病踏步頓地須月光荷負尔
乃却敵矣月光惶灼懼見屠戮扶格登觀太
子高聲曰七國王厥音遠震若師子之吼喻
以佛教爲大牧民當以仁道而今興怒盛即

禍著即身喪國亡其由名色乎七國師雄靡
不尸蹠者斯須而蘇欲旋本土太子啓王婚
姻之道莫若諸王矣何不以七女嫡彼七王
子婿爲蕃屏主元康矣臣民休矣親獲養矣
王曰善哉斯樂大矣遂命七王以女妻之八
婿禮敬居民欣欣王逮臣民始知太子月光
之舊婿也即選良輔武士翼從各令還國九
國和寧兆民抃舞僉然歎曰天降聖權非凡
所照德聚功成晏然無譏還國有年大王崩
殂太子登位大赦衆罪以五戒六度八齋十
善教化兆民災孽都息國豐衆安大化流行
皆奉三尊德盛福歸衆病消滅所以然者菩

薩宿命室家俱耕令妻取食望覩妻還與一
辟支佛俱行隱山崖久久不至疑心生焉興
忿執鋤欲往捶之至見其妻以所食分供養
沙門退叉手立沙門食竟擲鉢虛空光明暉
曄飛行而退背心悔愧念妻有德乃致斯尊
吾有重愚將受其殃即謂妻曰尔供養福吾
當共之餘飯俱食尔無就也至其命終各生
王家妻有淳慈之惠生而端正誓先志而後
慈故初醜而後好也太子者我身是妻者俱
夷是父王者白淨王是母者吾母舍妙是天
帝釋者弥勒是開士世世憂念衆生賑濟塗

炭

出遮羅
國王經

慕魄不言被埋後言得修道五

時波羅柰國王太子名曰慕魄端正絕雙自
識宿命無數劫事所更善惡壽夭好醜皆悉
知見年十三歲閉口不語王唯一子舉國愛
重當襲王位不說飢寒恬淡質朴意若枯木
雖有耳目不存視聽智慮雖遠如無心志猶
若盲聾不說東西狀如矇瞶不與人同其父
憂慮甚用患苦深耻隣國恐見凌嗤因呼國
中婆羅門問之此子何故不能言語諸婆羅
門言此子雖面目端正內懷不祥欲害父母
危國滅宗將至不久不復生子者皆是此惡
子所妨宜生理之丑身可全保國安宗然後

更得生貴子耳不者甚危王信狂愚謂爲審
然即用愁憂坐起不寧伎樂不御服美不甘
即與耆長大臣共議之言遠棄深山或言投
沉深水有一臣言但作深坑傍入如室給與
資糧侍以五僕生置其中從命所如王即隨
之太子悲感傷其愚惑其母憐愛之用傷紹
曰我子薄命乃值此殃涕泣啣啣事不得已
俛仰放捨悉取太子所有衣服瓔珞珠寶皆
用送之僕使於外因共作坑作坑未竟慕魄
獨於車上深自思惟心與口語王及人民皆
共謂我審爲癡症所以不語欲捨世緣安身
避惱濟神離苦耳今反爲狂詐所危旣沒身

命陷墮彼人便默自取其瓔珞珠寶持去作坑人輩不覺慕魄取物去時慕魄即到水邊淨自澡浴以香塗身悉取衣被瓔珞著之到掘坑所問曰作坑何施其僕對曰王有太子名曰慕魄瘖瘡聾癡年十三歲不能言語我等作坑欲生理之太子荅曰我即慕魄也作人驚怖走視車上不見所在還至坑所諦熟觀察聽聞言語絕有異聲光影如月世所希聞動其左右行者駐步坐者為起飛鳥走獸皆來會聚伏太子前聽太子語又曰觀我手足察我形容去何羣迷信此狂誑生見埋棄發言成章左右驚惶皆作禮叩頭求哀原赦

太子曰今已見棄不宜復還僕即奔馳以白
王王聞悲且喜即與夫人駱駕往迎王未到
頃慕魄自念當行學道帝釋化作園樹快樂
無比王遙見太子在樹下坐慕魄見王即起
迎逆王爲作禮慕魄則曰大王就坐王聞太
子語言音聲威神無量震動天地絕無雙比
則大歡喜便繞慕魄共還入國居位理政吾
請避席慕魄曰不可我以畏厭地獄勤苦愁
毒多端吾昔曾作王名曰須念以正法治國
奉行衆善二十五年鞭杖不加刀兵不設獄無
繫者惠施仁愛恩德流普救濟窮滯無所貪
惜雖有此行猶犯微罪終墮地獄六萬餘歲

煎煮剥裂痛酷難忍求死不得生無聊賴當
尔之時父母有財富而且貴快樂無極寧能
知我在彼地獄考治劇乎豈復能來分取我
苦所以墮罪者往昔作王小國統屬性甚慈
仁戒德方峻法令不嚴諸小國王皆見輕易
咸共謀議今此大王旣善且弱威竿不攝德
不堪任統御大國當應誅罰廢退之耳即舉
兵衆來征大國時王須念逆以珍琦財寶皆
賜遺之復以重官厚祿撫卹慰喻誘而安之
即還本國如是未久復來攻罰數數非一大
國羣臣上白大王諸小臣國愚闇無義無慮
罪豐數爲慢突誅殺悖逆觸犯尊上令民驚

擾防備不息當應誅斬以除殺害王曰爲民
父母當務仁化恕己育物危命濟衆彼猶嬰
孩愍其無識以漸誘導不忍加害王普愛物
命永無誅罰大國羣臣不忍數爲臣屬小國
所易忿不顧難舉兵討伐殘殺人民大王兩
淚卽爲諸國死亡人民服喪猶子矜愍無極
諸小國王見大王慈心矜念人民卽皆降伏遂
來歸附大王普設珍饈應須烹殺牛羊六畜
以具衆味輒先啓王王心雖慈事不獲已領
頭卽可緣是得罪勤苦如是每一念之心甚
戰慄體虛冷汗追憶過世所更吉凶安危成
敗恐復與會冀以靜黥免脫瑕穢出庶塵勞

永辭於俗不與厄會適復念欲閉口不言被
王生理恐王後時復得是殃因入地獄無有
出期我意不欲令王得罪故復語耳守意無
為不樂為王人民世間恍惚若夢室家歡娛
須臾間耳計命無幾憂畏延長樂少苦多衆
惱万端是故智者以國財寶恩愛為累衆欲
為塵使吾為王當復憍逸貪求快意令民憂
煩天下之大患也今欲除棄反流盡源拯濟
未度生世若寄無一可恃不貪富貴不重珍
寶棄捐世榮思想大道高明遠逝自拔於世
父王曰汝為智人不可便尔慕魄曰何聞父
子生而相棄骨肉已離為行甚憊苦相迎接

徒益勞煩父覩志堅罔然失措無辭可答乃
曰如汝前世作國王時奉行衆善纔有小失
非所憶知而尚受罪勤苦如是今我治國不奉
正法既無微善反是愆非純行危殆罪當何
訾便放太子聽行學道太子於是棄國捐王
不務人物一心專精念道修德功勳累積遂
至如今慕魄者我身是父王者閔頭檀是母
者摩耶是相師調達是時侍僕者阿若拘隣
等五人是

出太子
慕魄經

薩埵王子捨身六

過去有王名摩訶羅陀修行善行國無怨敵
王有三子長名摩訶波那羅次名摩訶提婆

小名摩訶薩埵共出遊觀至一竹林憩駕止
息轉復前行見有一虎新生七日七子圍遶
飢餓窮悴身體羸損命將欲絕第一王子言
怪哉此虎不得求食爲飢所迫必還噉子第
三王子言此虎經常所食何物第一王子曰
食熱血肉第三王子曰誰能與此虎食第二
王子曰其虎餘命無幾設餘求者必不濟及誰
能不惜身命第一王子曰難捨之至莫過己
身第二王子曰智慧薄少貪惜深重不能捨
身聞即驚怖唯有大士心懷慈悲爲饒益他
捨此身命不足爲難皆懷憂念熟視而去第
三王子心念我捨身時至自從昔來空棄此

身都無所爲常護屋宅衣服飲食種種將養
令無所乏不識恩愛反生怨害終歸無常既
無利益可惡如賊又如行廁我今此身於生
死海作大橋梁無量癰疽癩疾百千怖畏大
小便利筋血皮髓共相連持我今當捨以求
寂滅無上涅槃無量禪定智慧功德具足成
就微妙法身與諸衆生作諸法樂慮其二兄
爲作留難即便白兄可與眷屬前還所止薩
埵還至虎所脫諸衣裳懸置竹上我爲菩提
智永離三有即自放身卧餓虎前虎不能食
以乾竹刺頸從高投下大地震動日無精光
天雨雜華種種妙香空中讚言得未曾有虎

即舐血漸能斂肉轉得食力唯餘骨在出金

經第
四卷

人藥王子救疾七

過去世時閻浮提人疫病劫至普皆疾惱介
時閻浮提王名摩醯斯那領八万四千大城
威勢自在最大夫人懷妊已來手觸病者皆
得除瘥月滿產男生而即說言我能治病又
亦生時閻浮提內諸天鬼神皆共唱言今王
所生便是人藥以是音聲普流聞故字曰人
藥時將病人示此王子諸病人至王子手觸若
以身觸即皆得瘥安隱快樂人藥王子於千
歲中如是治病後則命終諸病人來聞其已

死憂愁啼泣誰復度我病痛苦然諸病人言
人藥王子何處燒身問知所在趣其燒處出
骨擣末以塗其身即皆得瘥骨盡之後至然
身處病皆得瘥人藥王子我身是也

出菩薩藏
經下卷

有一王子聞宿命事怖求以還佛八

有一王子欲知宿命乃以問佛佛言不用印

之令人憂愁王子故欲得知如是至三佛便

授戒令知宿命於是王子自視其事十五應

死憂愁不可言至年十五便死王家葬埋種

栢長大下根入地正當其心識神故在體視

栢根生正貫我心為生貫其心於是從根出

栢葉之間復見羊來自念此羊噉栢當復害

我會羊來食在羊腸中從羊屎出依附羊屎
園家錄糞取以糞韭依韭葉間會王后思韭
勅外令送園師持刀欲割取韭恐刀見害事
事愁憂弥不可言園師割韭束送王家在韭
束中王家得韭后便食之隨韭入腹作子月
滿便生遂年長大復識宿命便詣佛所白言
我不復用知宿命令我愁憂今以知宿命還
佛佛語太子我尔時不欲與汝汝為欲得之

今乃悔可聽

出雜譬喻
經第八卷

無畏王子耆婆學術九

王舍城有童女字婆羅跋提王勅為立姪舍
有共宿者盡夜二百兩金四方人集觀望極

好時瓶沙王子字無畏與此姪女共宿遂便
有娠時姪女勅守門人言若有求見我者荅
言我病後日月滿生一男兒顏白端正時彼
姪女即以白衣裹兒勅婢棄巷中無畏王見
即問旁人言此是何等荅言此是小兒問言
死活荅言故活使人抱還舍與乳母養之即
爲作字名耆婆童子後漸長大王子愛之喚
而語言汝欲久在王家無有才伎不得空食
王祿可學伎術荅言介即從得又尸羅國醫
姓阿提梨字賓迦羅學經歷七年乃白師言
我今習學何當有已時師與一籠器及掘草
之具汝可於得又尸羅國面一由旬求覓諸

草有非是藥者持來時者婆童子即如師語
周竟不得非是藥者所見草木及一切物善
能分別知所用處無非藥者還以白師師荅
汝今可去醫道已成我於閻浮提中最爲第
一我若死後次復有汝歸婆伽陀城城中大
長者婦十二年中常患頭痛衆醫治療而不
能瘥者婆聞之即往其家語守門人言白汝
長者有醫在門外守門人以白長者長者婦
問言醫形白何似荅言是年少彼自念言老
宿諸醫治之不瘥况復年少若無所損喚入
時者婆詣長者婦即取好藥以酥煎之灌長
者婦鼻及口中蘇唾俱出使人以器承之酥

還收取唾別棄之時者婆言此少酥不淨猶
尚慳惜况能報我長者婦答言為家不易棄之
何益可用然火是故收取汝但治病何憂如
是後病得瘥時長者婦與四十万兩金并奴
婢牛馬者婆還王舍城到無畏王子門王喚
入以前因緣具白王子以所得物盡用奉上

王子言此是耆婆童子最初治病

出四分律三分第二

卷故是祇域說事
既異故兩存之

經律異相卷第三十二

傍

儲

音除

薩埵

下丁反

嚙

上音毫

下音

音

賈客

古

上音

渚

音者洲也

艇舟

上亭也

頂反

坼

正作

咽

音煙

乳充脆取歲反踏音盜塹七焰反繒疾凌反

名嫌隙逆下丘姻好下上音因字祠音廟

也慙妬急上并減反倡伎上音墾土上音懇啄

食卓上音紡織上芳剥必角魚反上仍志誓遲

雞上音咽不哽於結反舩舫舟下音放雙喘息軟上尺

蟠結屈上音盤紺青古暗色杵撞下上尺降反刺刺

上七賜反反佉羅迦上丘牧人上音目放舐神

反舌牽挽晚下音鬼魅二下密餉詩尚反飛翔音下

祥女妻細下七捫摸胡上音門下忙訖訊信二同音下

用曠然明上音皎莫莽朗反丑吹盪下音傭賃音上

容下屋恃怙下上音市字酷之甚篤反毒貢遺下音

贈也悼傷音盜捐弃音緣一投墮山殂昨下音

胡反也
林藪
下音
疋
紆光反
韶
齒
上音
條長

昌謹反
換
儔
直
流
訛
曰
上音
和反
官僚

下音
陶家
上音
挑
燒
饋
饈
上音
交反
下音
官僚

視挑
反土
厝
貸
他代反
誥
音攘
而羊反
踏
步
音

除進
屠戮
下音
六
扶
格
反下
架也
尸
踏
反下
或作羊

尸槍
昌
地也
以
憊
去
軋
蕃
屏
翻餅
音
拈
儻
變反

正拍
用手
舞字
崩殂
下自
姑反
災孽
下魚
列反

鋤
助
踈反
疇
疇
反上
羽
鬼反
下
于
輒
恬
悒
上音
徒

下徒
敢反
蒙
下
涉
凌
啗
下上
音陵

輕欺
也
啍
啍
伊於
六反
下音
俛
仰
免上
音字

作勉
非也
陷墜
上侯
敢
驂
駕
上七
舍反
駕
聊

賴
強為也
賜遺
下聲
撫
邱
律下
思
罪
豐
近下
許

